



# АКАФИСТ ВСЕЦАРИЦЕ



## Чудотворная икона «Всецарица»

Празднование – 31 августа  
(18 августа по старому стилю)

### Конда́к 1.

Новоявлѣнной Твоей ико́не предстояще вѣрнии уми́льно,  
воспева́ем Ти́, Всецари́це, раби́ Твои́; низпосли́ цельбы́ к  
Тебе́ притека́ющим, да вси́ радостно зове́м Ти́:

Ра́дуйся, Всецари́це, неду́ги на́ша благода́тию исцеля́ющая.

### Икос 1.

Ангел предста́тель с Небесе́ шше́д, рече́ Всецари́це: ра́дуйся!  
И боговещáнным гласом воплоща́ема Тя зря́, Го́споди, воз-  
опи́ к Не́й такова́я:

Ра́дуйся, главі́зно на́шего спасе́ния; ра́дуйся, исполне́ние  
Зижди́телева смотре́ния.

Ра́дуйся, я́ко Тобо́ю Бо́г воплоті́ся; ра́дуйся, я́ко Невіди-  
мый в Тебе́ изобрази́ся.

Ра́дуйся, Ми́лость ми́ра вну́тръ прия́вшая; ра́дуйся, одея́ние  
плóти Сло́ву истка́вшая.

Ра́дуйся, уму́ непости́жная го́рняя сла́во; ра́дуйся, сердца́  
оживі́вшая небéсная ма́нно.

Ра́дуйся, звездó, благодáти сия́ние; ра́дуйся, исто́чнице, жи-  
вы́я воды́ излия́ние.

Ра́дуйся, Богоро́дице, в жена́х благословéнная; ра́дуйся,  
ро́ждшая Спа́са Дéво нетлéнная.

Ра́дуйся, Всецари́це, недúги на́ша благодáтию исцеля́ющая.

#### КОНДА́К 2.

Безнача́льное Сло́во Отрочá младо Тобо́ю бы́сть, исцеле́-  
ния пода́я Тя́, Дéво, чту́щим и неизрече́нное Его́ Рожде-  
ство́ воспева́ющим: Аллилу́ия.

#### ИКОС 2.

Ра́зум недоразумева́емый разумéти Дéва и́щущи, возопі́ к  
служа́щему: «Я́ко Отрокови́ца чи́стая, ка́ко бúду Вы́шняго  
Ма́ти – изъя́сни Ми?». К Не́й же Гаври́ил рече́ со стра́хом,  
зовы́й такова́я:

Ра́дуйся, Советá Вы́шняго избра́ннице; ра́дуйся, гла́са моля́-  
щихся скоропослу́шнице.

Ра́дуйся, Сокро́вище Христо́ва ми́ра; ра́дуйся, люде́й Твои́х  
наде́жду и си́ло.

Ра́дуйся, ра́ковыя я́звы дивная губи́тельница; ра́дуйся, про́чих бо́лезней исцели́тельница.

Ра́дуйся, еди́ное ми́ру заступле́ние; ра́дуйся, ве́рное в ско́рбех избавле́ние.

Ра́дуйся, пла́ч и слёзы при́сно утоля́ющая; ра́дуйся, спасе́ния вхо́ды все́м отверза́ющая.

Ра́дуйся, держа́вный покрове Афóн населя́ющих; ра́дуйся, же́зде мона́хов и миря́н.

Ра́дуйся, Всецари́це, неду́ги на́ша благода́тию исцеля́ющая.

### КОНДА́К 3.

Си́ла Вы́шняго осени́вши Тя́, Отрокови́це, плóть при́ят неизрече́нно, пока́зв Тя́ село́ сла́дкое хотя́щим жа́ти спасе́ние и пою́щим: Аллилу́ия.

### ИКОС 3.

Просла́вился дивно́ святая́ ико́на Твоя́, «Всецари́ца» имену́емая, егда́ цельбоно́сно яви́ся Твое́, Богома́ти, изображе́ние; вопию́щим же пред ни́м с ве́рою исцеления́ пода́вши, да умножа́ются пе́сни сицевы́я:

Ра́дуйся, Ма́ти незаходи́мага Све́та; ра́дуйся, претерпе́вших до конца́ побе́до.

Ра́дуйся, в бо́лезнех и ско́рбех су́щим врачевание; ра́дуйся, сирóт и вдови́ц неруши́мая стено́.

Ра́дуйся, двéри ра́йския отверза́ющая; ра́дуйся, тружда́ющихся и обременённых заступа́ющая.

Ра́дуйся, о спасе́нии ве́рных ходатаи́це; ра́дуйся, за ро́д челове́ческий моли́твеннице.

Ра́дуйся, ле́стнице небесная́, возводя́щая от земли́ к небеси́;

ра́дуйся, водо́ жива́я, омыва́ющая сме́ртныя грехи́.

Ра́дуйся, а́гнице, сердца́ незлобивых храня́щая; ра́дуйся, покрóве, ча́д Це́ркве осеня́ющий.

Ра́дуйся, Всецари́це, неду́ги на́ша благода́тию исцеля́ющая.

#### Конда́к 4.

Живо́т ми́рови да́руя, Влады́ка ми́ра всели́ся во утробу Твою́ неискусому́жно, Ма́терь ве́рных Тя́ показав, в ми́ре те́х воспева́ти призва́: Аллилу́ия.

#### Икос 4.

Пресла́вная соде́яшася о Тебе́, Гра́де Бо́жий, исцелéнием быва́ющим от святы́я ико́ны Твоея́; сего́ ра́ди цельбоно́сныя струи́ врачевáний приéмлюще, благода́рственно, о Всецари́це, вопи́ем:

Ра́дуйся, сна́добие, бо́ль утоля́ющее; ра́дуйся, прохлáдо, жа́р неду́жных остужа́ющая.

Ра́дуйся, прижигáющая ра́ковыя я́звы áки пла́менем; ра́дуйся, подыма́ющая со одра́ оста́вленных врачми́.

Ра́дуйся, лик Сво́й пречистый избра́нным явля́ющая; ра́дуйся, от грехо́вных у́з разреша́ющая.

Ра́дуйся, я́ко Тобо́ю избавлéние от сме́рти дарова́ся; ра́дуйся, я́ко Тобо́ю неизче́тный со́нм ве́рных оправда́ся.

Ра́дуйся, высотó, челове́ческими по́мыслы неизсле́дованная; ра́дуйся, глубино́, еди́ным Сло́вом извéданная. Ра́дуйся, проро́чество прэ́жде Тебе́ бывших патриáрхов; ра́дуйся, наста́внице Тебе́ молившихся иерáрхов.

Ра́дуйся, Всецари́це, неду́ги на́ша благода́тию исцеля́ющая.

## Конда́к 5.

Пречи́стый Хра́м Спа́сов позна́хом Тя, Отрокови́це; к Тебе́ припа́даем, Чи́стая, да на́с соде́лаеши хра́мы Божества́, вопи́ющих Ему́: Аллилу́ия.

## Икос 5.

Ви́деша чи́ни а́нгельстии на руку́ Твое́ю Созда́вшаго руко́ю челове́ки, и я́ко Влады́чицу разумева́юще Тя еди́ну, а́ще и Рабо́ю Себе́ нарекла́ еси́, потща́шася пе́снями послужи́ти Ти́, Благослове́нней, сицевы́ми:

Ра́дуйся, Бо́гом поста́вленная превы́ше Небе́сных Си́л; ра́дуйся, чуде́сными исцеле́ньми исполня́ющая ми́р.

Ра́дуйся, хвалу́ и сла́ву от небе́с слы́шащая; ра́дуйся, благода́рение от земли́ прие́млющая.

Ра́дуйся, я́ко се́мя тли́ в сердца́х потреби́ла еси́; ра́дуйся, я́ко ко́зней диа́вольских ярем сокруши́ла еси́.

Ра́дуйся, юдо́ль плачевну́ю испо́лнившая ра́достью; ра́дуйся, ско́рби изменя́ющая в небе́сную сла́дость.

Ра́дуйся, благоуха́ние Бо́гу приятно́е; ра́дуйся, ка́ющихся грешников весе́лие изрядное.

Ра́дуйся, бронё́ пра́вды от искуше́ний; ра́дуйся, щите́ огражде́ния от вражды́ и нестро́ений.

Ра́дуйся, Всецари́це, неду́ги на́ша благода́тию исцеля́ющая.

## Конда́к 6.

Пропове́дницы богоглаго́ливии, Спа́совы ученицы́, предста́ша Ти́, Де́во, чу́дно, егда́ от земли́ к небеси́ восходи́ла еси́, да еди́ным се́рдцем и усты́ воспою́т Бо́гови: Аллилу́ия.

## ИКОС 6.

Возсия дивно благодать от иконы Твоея, Всецарице, егда юноша, учёными сатанинскими омраченный, пред нею падё и недвижим бысть; паче чаяния же от уз мрачных свободённый, со страхом и радостию зываше Ти сице:

Радуйся, исправление нечестиваго жития; радуйся, утешение страждущих люте.

Радуйся, бесовских полчищ от Церкви отгнание; радуйся, мглы греховныя разсеяние.

Радуйся, козней невидимых упразднение; радуйся, демонских чар всемоощное одоление.

Радуйся, светильнице, прельщённых наставляя; радуйся, облаче, невинных от зла покрывая.

Радуйся, холме, небесною манною питающий; радуйся, долино, смирением Христовым насыщающая.

Радуйся, камению Небеснаго Царствия; радуйся, зеркало преевечнаго Света.

Радуйся, Всецарице, недуги наша благодатию исцеляющая.

## КОНДАК 7.

Хотя дати Себе в снедь верным, Христе Боже, благоволил еси от Девы воплотитися, да приёмлюще Пречистое Тело и Кровь Твою, познают Тя Бога совершеннаго; темже дивящися неизреченней премудрости сей зовем: Аллилуия.

## ИКОС 7.

Новое показав таинство явлься Зиждитель, со ученики свершивый Тайную Свою Вечерю; мы же, моляще Всецарицу удостоити нас Божественныя Святыни, восписуем Ей сицевая:

Ра́дуйся, пода́тельница Небе́снаго Хле́ба; ра́дуйся, роди́-  
тельница Ве́чнаго Живота́.

Ра́дуйся, ча́ше, Христу́ приобща́ющая; ра́дуйся, ду́шу и те́ло  
с Бо́гом сочетава́ющая.

Ра́дуйся, лжи́це злата́я, испо́льнь Божество́нных Та́ин; ра́-  
дуйся, драгий киво́те, вмести́лище вели́кия Святы́ни.

Ра́дуйся, пе́рсте, на святу́ю Евхаристи́ю указу́й; ра́дуйся,  
трапéзо, предлага́ющая на́м Пи́щу Святу́ю.

Ра́дуйся, досто́йных прича́стников одесну́ю поставля́ющая;  
ра́дуйся, ревнителей Божество́нных Литургии́ от а́да избав-  
ля́ющая.

Ра́дуйся, приводя́щая сме́ртных к Исто́чнику безсме́ртia;  
ра́дуйся, огражда́ющая ча́д Свои́х ми́ром и кре́постию.

Ра́дуйся, Всецари́це, неду́ги на́ша благода́тию исцеля́ющая.

#### Конда́к 8.

Стра́нное Рожде́ство́ ви́девше, житё́йское вся́кое отло́жше  
попече́ние, горе́ имéим сердца́; на сие́ бо Вы́шний яви́ся,  
во ё́же привлещи́ Тому́ вопию́щия: Аллилу́ия.

#### Икос 8.

Неотсту́пно в не́дрех Оте́ческих пребыва́я, Сло́во нео́пи-  
санное на земли́ пло́ть бы́сть; Бо́г Ве́лий сотвори́ вели́чие  
Де́ве и призре́ на смире́ние Рабы́ Своея́, слы́шащия сице-  
ва́я:

Ра́дуйся, невмести́мага Бо́га вмести́вшая; ра́дуйся, надми́р-  
наго Творца́ ми́ру яви́вшая.

Ра́дуйся, я́ко сокруши́ся сме́рти держа́ва; ра́дуйся, я́ко исце-  
ли́ся Ада́мова ра́на.

Ра́дуйся, пла́стырю, стру́пы душе́вныя заживля́й; ра́дуйся, е́ле, я́звы теле́сныя умаща́й.

Ра́дуйся, утоле́ние боле́зней ражда́ющих; ра́дуйся, облегче́ние му́к умира́ющих.

Ра́дуйся, нане́сшая пораже́ние а́ду; ра́дуйся, притупи́вшая сме́рти жа́ло.

Ра́дуйся, ча́яние всео́бщаго воскресе́ния; ра́дуйся, право́сла́вных несумне́нное спасе́ние.

Ра́дуйся, Всеца́рице, неду́ги на́ша благода́тию исцеля́ющая.

#### КОНДА́К 9.

Вся́кое естество́ а́нгельское и челове́ческое удиви́ся вели́чию непостижи́мага Твоего́ воплоще́ния, Сло́ве; недоумева́юще же о се́й ве́лией та́йне благоче́стия, со стра́хом и трепе́том благода́рственно зове́м Ти́: Аллилу́ия.

#### Икос 9.

Многоразли́чными неду́ги одержи́мии, о Всеца́рице, от святы́я ико́ны Твоея́ па́че ча́яния исцелё́ния получа́ют, да прие́мше ве́рою благода́ть, велегла́сно зыва́ют Ти́:

Ра́дуйся, здра́вых ча́д при́сное сохране́ние; ра́дуйся, боля́щих ко здра́вию преложё́ние.

Ра́дуйся, дете́й неду́гующих исцелё́ние; ра́дуйся, ю́ных страда́льцев Ма́ти.

Ра́дуйся, воста́ние на о́др боле́зни повер́женных; ра́дуйся, отра́до стра́хом сме́ртным одержи́мых.

Ра́дуйся, вне́млющая челове́ков рыда́ниям; ра́дуйся, призрева́ющая на на́ша стена́ния.



Ра́дуйся, бо́лей земны́х небесно́ю ра́достью раство́рени́е;  
ра́дуйся, лю́те обу́реваемы́х пачеесте́ственное терпе́ние.

Ра́дуйся, я́ко уготовля́еши пла́чущим ра́дость; ра́дуйся, я́ко  
снабдева́еши кро́тких крило́ма моли́твы.

Ра́дуйся, Всецари́це, неду́ги на́ша благода́тию исцеля́ющая.

#### КОНДА́К 10.

Спасти́ хотя́ Зижди́тель ислёвше́е грехо́м челове́ческое  
естество́, сни́де на Тя́, я́ко до́ждь на руно́, и купину́ Тя́ со-  
де́лав неопали́мую, Бо́г сый бы́сть челове́к, да воспева́ем  
Ему́: Аллилу́ия.

#### ИКОС 10.

Стена́ еси́ де́вам, Отрокови́це чи́стая, и все́м о чистоте́ ра-  
дя́щим: в Тя́ бо всели́ся Бо́г, очища́яй разу́мная созда́ния  
Своя́, да избы́вше вся́кия скве́рны, предлага́ем Ти́ сицева́я:

Ра́дуйся, молча́ния взыску́ющих собесе́днице; ра́дуйся, ве́н-  
че храня́щих де́вство.

Ра́дуйся, нача́ло и коне́ц духо́внаго соверше́ния; ра́дуйся,  
храни́лище Божество́ннаго Откро́вения.

Ра́дуйся, Тро́ического Со́вета тайннице; ра́дуйся, спасе́ния  
челове́ков вино́внице.

Ра́дуйся, верши́но, го́рдым умо́м непристу́пная; ра́дуйся,  
убе́жище, смире́нным сердца́м досту́пное.

Ра́дуйся, чи́стая, небесе́ чисте́йшая; ра́дуйся, Херуви́мов и  
Серафи́мов честне́йшая.

Ра́дуйся, обра́дованная, я́ко прия́ла еси́ от Арха́нгела ра́-  
дование; ра́дуйся, уте́шенная, я́ко ру́це Твои́ осяза́сте вос-  
кресе́шаго Христа́.

Ра́дуйся, Всецари́це, неду́ги на́ша благода́тию исцеля́ющая.

### Конда́к 11.

Пе́ние тща́щесея разу́мное Спа́су приноси́ти, всегда́ неключи́ми, Влады́чице, оста́емся раби́ Твои́; кто́ бо мо́жет досто́йно воспети́ Бо́га, Егóже и́мя я́ко ми́ро изли́янное? Сего́ ра́ди вопие́м Ему́: Аллилу́ия.

### Икос 11.

Све́т ве́лий возсия́в во тьме́ седя́щим, посети́ нас Восто́к свы́ше, Сы́н и Бо́г Тво́й, о Де́во; Тя́ соде́лав свеще́ю на свещнице, светоно́сным ча́дом церко́вным наказу́ет приноси́ти Ти́ сицева́я:

Ра́дуйся, заре́ Умнаго́ Со́лнца; ра́дуйся, вмести́лище Божества́  
ственнаго́ Огня́.

Ра́дуйся, све́те, я́ко одея́ние святы́х соткала́ еси́; ра́дуйся, свеще́, я́ко тьму́ бесо́вскую отгна́ла еси́.

Ра́дуйся, ко́сных умо́в Просвеще́ние; ра́дуйся, грешных сер-  
де́ц Озаре́ние.

Ра́дуйся, десни́це, из мо́ря су́етствий изводя́щая; ра́дуйся, луче́, путеводя́щая к Ца́рствию спаса́ющихся.

Ра́дуйся, молние, нераска́янных поража́ющая; ра́дуйся, гро́ме, губи́телей устраша́ющий.

Ра́дуйся, омраче́нныя со́вести просветле́ние; ра́дуйся, Бо́-  
жия́ Суда́ умилоствле́ние.

Ра́дуйся, Всецари́це, неду́ги на́ша благода́тию исцеля́ющая.

### Конда́к 12.

Благода́ть да́ти восхоте́в, Зако́на Ве́тхаго́ Подате́ль Завет

Но́вый на́м дарова́; мы́ же, благода́ть прии́мше, не де́лы зако́на, но еди́ною ве́рою спасе́ние улу́чивше, воспису́ем вси́: Аллилу́ия.

### ИКОС 12.

Пою́ще Твое́ рождество́, Богома́ти, я́коже дрéвле Изра́иль в кимва́лех сено́вную ски́нию воспева́ше, та́ко мы́ ны́не Тя́, Ски́нию и́стинну, добродéтелями прославля́ем, да слы́шиши от все́х сицевая́:

Ра́дуйся, пёсне, воспева́емая горé; ра́дуйся, псалме́, слы́шимый ни́зу.

Ра́дуйся, Еди́ному Бо́гу досто́йно послужи́вшая; ра́дуйся, Божéственней Тро́ице смире́нием угоди́вшая.

Ра́дуйся, ве́ки Нося́щаго носи́вшая в Себе́; ра́дуйся, престо́ле Содержа́щаго Вселе́нную в руце́.

Ра́дуйся, та́йно неизрече́нная веко́в и време́н; ра́дуйся, упова́ние твёрдое наро́дов и племе́н.

Ра́дуйся, серде́чное ра́дование иере́ев благоговéйных; ра́дуйся, бы́строе слы́шание моли́тв церко́вных и келéйных.

Ра́дуйся, Прему́дрости до́ме богозданны́й; ра́дуйся, Мило́сти сосу́де, Бо́гом избра́нный.

Ра́дуйся, Всецари́це, неду́ги на́ша благода́тию исцеля́ющая.

### КОНДА́К 13.

О, Всецари́це Ма́ти, ро́ждшая все́х святы́х Святе́йшее Сло́во, ны́нешнее на́ше прие́мши песнопéние, от вся́кия сме́ртныя боле́зни исцели́ ны́ и бу́дущаго изба́ви осужде́ния вопию́щих: Аллилу́ия.

Этот конда́к читается три́жды, затем 1-й и́кос и 1-й конда́к.

## МОЛИТВА.

О, Пречистая Богомати, Всецарице! Услыши многоболѣзненное воздыханіе наше пред чудотворною иконою Твоею, из удела Афѳонскаго в Россію принесенною, призри на чад Твоих, неисцѣльными недуги страждущих, ко святому образу Твоему с верою припадающих! Якоже птица крилома покрывает птенцы своя, тако и Ты ныне, присно жива сущи, покрый нас многоцѣлебным Твоим омофором. Там, идеже надежда исчезает, несумненною Надеждою буди. Там, идеже лютыя скорби превозмогают, Терпением и Ослабою явися. Там, идеже мрак отчаяния в души вселися, да возсияет неизреченный свѣт Божества! Малодушныя утѣши, немощныя укрепи, ожесточенным сердцам умягчение и просвещение даруй. Исцели болящия люди Твоя, о всемилостивая Царице! Ум и руки врачующих нас благослови; да послужат орудием Всемощнаго Врача Христа Спаса нашего. Яко живей Ти сущей с нами молимся пред иконою Твоею, о Владычице! Простри руке Твои, исполненной исцеления и врачбы, Радосте скорбящих, в печалех Утѣшение, да чудотворную помощь скоро получивше, прославляем Живоначальную и Нераздельную Троицу, Отца и Сына и Святаго Духа, во веки веков. Аминь.

ЗАКАЗАТЬ МОЛЕБЕН ПЕРЕД ЧУДОТВОРНОЙ ИКОНОЙ  
можно на сайте благотворительного [Фонда Архангела Михаила](#)  
или по телефону 8 (495) 422-25-88.